

e-BULETIN JSKM

Cabaran Wanita

Muniroh Hamat

Antara Menarik di Dalam

- Generate e-Certificates with Autocrat
- Symbolab Matrices
- JJCM Hatyai
- Jika Diri Diuji
- Tentang Kamu
- Pengurusan Rekod
- Musafir Haji
- Wira Sejati

Edisi April 2023



Jabatan Sains Komputer dan Matematik, (JSKM) UiTM Cawangan Pulau Pinang telah mengadakan program gotong-royong di bawah anjuran Unit 5S JSKM pada 8 Februari 2023. Program ini diadakan bertunjangkan tiga objektif utama iaitu mewujudkan kawasan tempat kerja yang lebih bersih, ceria dan harmonis. Keduanya, memupuk semangat kekitaan dan sikap bertanggungjawab staf JSKM dalam menjadikan kawasan tempat kerja selesa dan kondusif. Ketiga, meningkatkan kerjasama dan mengeratkan silaturahim dikalangan staf JSKM.

PROGRAM KEMAS SANTAI

Program gotong-royong ini bertemakan “Kemas Santai” yang menampilkan keselesaan dan kerjasama yang tinggi dalam kalangan staf JSKM. Program bermula dengan berkumpul beramai-ramai di bilik mesyuarat JSKM dengan sarapan pagi yang disediakan oleh pihak penganjur. Taklimat ringkas disampaikan oleh ketua program, Puan Rafizah Kechil, sebelum bermulanya program gotong-royong ini. Program ini telah dihadiri oleh 35 staf JSKM yang dijalankan di sekitar ruang pejabat, ruang stor dan bilik mesyuarat JSKM. Staf JSKM telah dibahagikan kepada beberapa kumpulan ketika menjalankan gotong-royong di setiap ruang JSKM.

Persekitaran tempat kerja yang ceria dan bersih memberi keselesaan, keceriaan dan kebersihan kawasan tempat kerja adalah penting bagi meningkatkan mutu kerja bagi melahirkan insan yang seimbang dari segi emosi, rohani, jasmani dan intelek. Program ini telah berjaya memupuk semangat kekitaan dan sikap bertanggungjawab staf JSKM dalam menjadikan kawasan tempat kerja yang selesa dan ceria. Selain itu, dapat meningkatkan kebersihan di tempat kerja yang diterapkan dikalangan staf JSKM dan seterusnya meningkatkan imej organisasi.



Oleh Sharifah Sarimah



Bilik Mesyuarat
J&KM



Staf membersihkan
bahagian Pejabat
J&KM



Staf membersihkan
bahagian Stor J&KM



Pejabat J&KM

Program Kemas Santai Unit 5S

